



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

---

Poštovani,

putem ovog pisma želio bih se iskreno zahvaliti za uspješno obavljen posao tokom organizacije otvaranja 14. Evropskog omladinskog olimpijskog festivala EYOF, održanog u izvanrednom ambijentu Olimpijskog stadiona „Asim Ferhatović Hase“ kojim ste opravdali povjerenje građana.

Vaš nesebičan angažman neposredno se odrazio na istinsku sigurnost mladih sportista i gostiju koji su boravili, ne samo na sportskim borilištima, već i u glavnom gradu Bosne i Hercegovine.

Gledajući cjelokupnu situaciju u državi, angažman pripadnika Ministarstva unutrašnjih poslova Kantona Sarajevo, tokom trajanja ove značajne manifestacije za našu domovinu, predstavlja svijetli primjer kako država ipak funkcionira i kako određene institucije, pa i pojedinci savjesno obavljaju svoj posao.

U vremenima kada je građanima više nego ikad potrebno vratiti optimizam i narušeno povjerenje, vaš rad je ohrabrenje i putokaz kako se štiti imovina i lična sigurnost svih stanovnika i posjetilaca Sarajeva.

Vjerujem da će se saradnja lokalne zajednice i građana sa pripadnicima policijskih uprava nastaviti i u vremenu pred nama, posebno ako uzmemo u obzir neophodnost zajedničkog angažmana i rješavanja niza problema, a sve sa ciljem daljnjeg podizanja stepena sigurnosti.

**Općinski načelnik**

Prof.dr. Nedžad Ajnadžić